


思古樓詩定之題

冊二

PL
2765
.J22
v.2



忍古樓詩卷六



新建夏敬觀

南歸十九日仍北行

以下甲寅

天色微能辨雁行
河鐙收焰隔重岡
載人北去車難駐
換歲身經思更荒
不見淮波春渺渺
祇愁岱嶽夜茫茫
往來共此三千路
客意無端異短長

真長菽民彥殊毅甫同游三貝子園用真長韻

雪後南花日下看
淺春發興客先闌
長瓶臥酒強爲醉
嬌樹貯盤緣底寒
退筆文章才盡掩
置身邱壑境難寬
夢魂浪有飛翻力
收入重城壓枕安

題章价人銅官感舊圖

聖者能將將不必能將兵漢王跳而免識者知其輕縱
論湘軍事曾侯號屢傾決死銅官渚座客諫莫行章公
燭先幾援手脫鯢鯨姑忍論兵法置死料必生不然徇
溝瀆一蹶無功名介推不言祿頗用疑恆情雖則祿不
及圖史有餘榮

龍毅甫用東坡出東門韻紀廿八日之游依韻和
之

西山戴雪已當門出郭仍愁負郭邨确土自深疲馬跡
寒林盡帶倦鴉痕夜知廊館能增寂日去衣裾易減溫

強把花枝堆客眼不須怊悵與銷魂

題金寶齋北雅樓閒居著書圖用寶齋原韻

蓼蟲事業竟何如誰識蓬蒿仲蔚居老去未爲田舍計
夢回悵入國門初真成蓄艾逾三載坐遣看花到二除
我亦倦吟裘氏地憐君空有等身書

題蔡哲夫衝雪訪碑圖

吾生繭足戶庭間中古文章眼見慳羨子槩鉛成紀錄
出門河岱澹憂患屐迴崖下囊應澀雪壓車頭馬不還
更與詩人箋草木春風已及鬢毛斑

寒食日出西郊

對闕多山色郊居始覺低泥河無曲瀉林樹未柔黃午
竈軍宜續昏車髮用篋歸心念寒食花絮亂江堤

羅按東易實甫約訪道階和尚於法源寺餞春

春風無所住客至花亂開幾許耐風日無頃非塵埃樹
下衆趺坐坐處生綠苔長老不飲酒花落空尊疊丁香
歲解結已艱四十回未作花氣味蟲鳥休浪猜

崇效寺牡丹

五色染羅綺翻增愁且妍自是有情種得生兜率天鼓
鐘日殷地春風還放顛酒香出僧屋客來泛觥船幾日
斷唄唱不惜戶限穿豐頤易銷滅盛妝良偶然俗眼極

富麗卸去滋可憐客莫歎空枝俄頃卽百年百年花百
開歲一近花前

題袁豹岑寒廬茗話圖

結廬不入萬山中松自鳴濤竹自風茗芋清言出冰壑
崔嵬詩思積秋嵩吾生甘取一瓢飲似子評逾二水工
短巷頻煩犀吏至許分官焙到涪翁

書夢

夜夢女冠散華燈風吹綵紗燭焰騰鏤空花果巧連綴
似墮紙鳶初斷繩老夫持竿時揭取竿頭吹折如破罨
鳩媒悻悻施下策擲藥便走問不應覺來自訝夢殊異

入世等取魔魔憎王城春夢亂飛絮花茵側臥鋪幾層
荼蘼睡意已不足夜半酒力誰能勝

崇效寺觀楸花

寺中盎春色牡丹並楸花楸花三兩株窮歷歲月賒崇
柯覆殿瓦下容百僧跡前僧無衣鉢來者茲矜誇奴僕
命雜樹枝葉成一家密萼蔽白日春力難再加客至先
仰觀俄頃思已遐持壺對晚景酒面吹澹霞

一日曲

搖搖牆頭花依依路旁柳灼灼花下人纖纖折枝手折
枝不折花春風一日賒長如隨風絮飄落向南家南家

當陌路風絮從春去妾心花辭枝郎心花上露露自還
九天花自沾泥汙憶當春風初妾與郎相遇攜手步大
堤大堤紅日暮門前雙鳥柏指作相思樹軋軋九張機
機中長織素織素非一絲織新漸成故怨妾妾不尤留
郎郎不住三春如一日去去不回顧

歸林居三首

久厭灰土燥歸愛江南雨雨聲同到門潤氣溢堂廡
翩南飛鳥抖擻溼毛羽慈鳥一春鳴思子正良苦衆木
森水次雜花脫林塢饑來就時果寧必仰官庾

鶴性本非凡豈落羊公手請休炫座客不舞蓋已久今

觀人臣者等求爲功狗鶴聲上九天乘軒意何有夏水
及時長海氣入窗牖鳬汝從鶴來白羽一刮垢

長歌非自調所欣仍吾屬松壘三兩間頗免炎蒸酷矧
茲江海濱聊可縱遙矚月來照几席卷簾撒明燭長安
短巷內豈便萬事足嵒康七不堪懶慢尤取辱

亂後移先妻骸骨厝於西湖之上將營葬焉而未
果經歲始來奠之

別君今三年入夢已不多況在喪亂後厝骨湖山窩昨
來奠清酒不見朱顏醺靜坐松日下奈此九泉何

輿行錢塘江岸口占

五月錢塘江畔行西陵草樹隔潮生
歔蒸日氣初過午
氍毹山光轉不明崖岸自隨沙路遠
筍輿還比布帆輕
漫窮清淺桐廬水世少嚴光釣亦名

同胡栗長登開化寺六和塔是日余四十初度

與君絕頂望江天鷹鶚盤空不得前
漫道腳跟無處立
何妨簷下片時眠鳴潮直上三千里
積日而今四十年

試覓荒碑捫宋牒當官文字賴僧傳

塔碑刻宋時
敕建牒文

雲棲寺竹徑

理安長枿直插地雲棲大竹高參天
二寺夤然止聖處
枿不蠹朽竹愈堅昔稱理安景無對
未看雲棲真枉然

頃窺幽徑避白日步步到寺循花甃又如葺葉作廊覆
左右柱立皆修椽露骨專車巖壑底表影數尺僧房巔
空亭住足一遐想夜至風露宜涓涓蓮池大師涅槃去
香光寶墨彌新鮮老夫白髮回翠葆欲借蒲團爲坐甃
人言此寺惟有竹他景不勝名虛傳正惟有竹便佳絕
雜樹亦衆何稱焉願筍不斷盡成竹連坡長到澄江邊

湖上三首

西湖如故人相見記疇昔清光迓籃輿一笑展眉額憶
今三四至每至樂晨夕枉然謝好住老至寧不惜世紛
到湖山崢嶸自蒼碧嗟我四十年雙鬢已斑白夢中見

林逋待我孤山石梅鶴了不避知是主人客

西湖三面山清景詩難摹誰能一筆畫寫此湖山圖出
郭驚湖光但恨才思輸西子自持鏡方不爽釐銖朝陽
初在山水面輕紅膚清風一放船五月吹菰蒲越語花
葉底醉來答吳歛鴟夷莫載去林鳥恣相呼

西湖爲佛國衆峯如蓮花南山對北山鐘聲晚相拏浮
圖千尺影倒水日已斜清風生皓月何處容塵沙二畝
雷峯下老將安我家葺茅共妻孥親手植桑麻歸爲樂
天民此念當非賒

女明明生

老鶴養雛松栝園雛聲始啼海弄瞰淵明慰情許弱女
字以明明當念恩豈惟他時多壻拜從今盜不入吾門

徐新華女士能文章善書法常寫余詩一卷余從
北歸新華遽歿乃翁仲可以寫詩示余相與愴
然久之

下筆有神授女奇傳父美繇體出邕法鑠妙寧琰比頗
聞寫父書燒燭夜窗底誦憶四百篇婉婉蠶眠紙又復
善詩章妙響含宮徵清風美作頌正色不加綺我昔學
夫詩至老迷津埃聊將送窮愁不足挂脣齒奈何持一
卷日寫凭書几南歸將慰君座上今覩此君家女博士

一瞑遂不起太息手馨香無文與追誄

龍達甫諸貞長皆有書促余北往代書答之

自我棲海濱三歲松生癭豈惟木不材撫此堪自省偶
作螻蟻夢不耐一飯頃官廩紅腐粟充腹仍畫餅蘇秦
工揣摩其說有要領孰爲東家邱所學世所屏爭名須
往朝我獨疎造請便教刺字滅襴生亦無幸退將求辟
穀往師陶弘景誓心如石田春不發茗穎回頭看諸卿
飽暖坐走冷

晚步松林下

林下蕭森江氣寒青松斂股挂臣冠恰嫌淨似荀文若

觸樹成歧不謂殘

閏五月五日作

水漫蒲根活嫩沙短籬雜樹野人家九州誰見梧生葉
一盞獨欣榴有花

同陳伯嚴徐園石阜納涼

先生夢熟北窗涼簟廡今愁日曬牀賸覓遠墟娛晚色
與攀堆阜奏清商月來舉舉高垣堵風起騷騷出土囊
布袋何人得盛取依然長老坐東堂

陳子言曉過林居

叩門未應鳥先呼露泫林端日出隅童不誤名驚座客

子真比貌列仙儒探支涼風八九月繞看喬柯三百株
見否吾胸生二樹尚慚荊棘未全無

悲從兄仲玉

吾族歲會食羣從過百人自吾去里閭遂爲吳越民君
世客茲土壯始識面親四海鮮兄弟惟此依齒唇平生
不逢年未厭陋巷貧吾色逼邱井君長面未皴辛亥遂
三載京國事事新予遺等魚鼈數畧禁及春方期返蒿
里得免溝壑身孰謂君先逝歸痛九原陳上牀取鳴琴
琴亡亦十旬葉落念同本颯颯未炊薪

有答

姦富成風貨殖奇小人爲善國真危頗聞醉語成颺段
竟有彈章出杞推爲蟻損鉤吾不可買牛賣劍素安之
從來胥靡終相病試誦東坡鶴歎詩

客言廬山避暑之勝每歲苦熱輒思往居焉卒不
得往因作是詩

匡廬天子障三疊窮清幽宮亭濫吾戶五老下歸舟邇
載鴟夷壺往看水牯牛山高背落日九夏涼颼颼客爲
稱其美問我入此不我非襤褸子壑谷豈不收往來十
七次雲山照雙眸頻蠟阮孚屐缺從遠公游人情習見
遠不躡門前邱況我今不歸如江去悠悠

次韻答子言二首

習爲不驗言不若農與圃得人諛墓金不若江上賈真
同寶燕石客笑不吾取廢然返巢居鳴鳩對衡宇枳櫚
水楊柳勝如築百堵松柏與豫章長大經幾暑期君日
一至蕭然坐廊廡抗聲歌商頌樹下行拖屨亦有竹與
葦呼兒編笥篋教茲暇豫吾奚用持犀麈客宜從石請
與此長相處醉入無功鄉多謝野人土登臨問樵漁手
竿腰且斧

此生儕儻保因樹駕爲屋醉遮鶴柴翁曲巷有酈綠一
杯不言語癩馬揩枯木再飲如翻水寫詩筆至禿頗聞

蕭山尉遣迎來急足煩君志州壤山水皆可錄渡江颯
風雨試繼西陵曲定有許伯會書以敦越俗

苦旱

萬木態至靜夕陽氣彌蒸土面熨赤腳小阜不可登終
歲作圃畦瓜豆病莫興抱甕能幾人佇望雲霓升

林居絕句

蛙黽收聲雀又喧勞勞晝夜與更番先生冷淡爲生活
臥共髯翁閱此園

欣欣衆木日相親意許先生作主人便與支牀龜百歲
不須埋土鐵千鈞

掌中斷取九州大擲過恆沙世界外却然身在瓜牛廬
上有長松爲遮蓋

同包荃蓀出居庸關登八達嶺

太行西望早秋侵谷路經行岫轉深薄袂更嫌山日暗
高城一上塞雲陰我真絕皆追南雁客有傷思和曉禽
底事天梯勞足責人間正自苦駸駸

明十三陵

軍都山色蔽黃埃隧殿幽雲暗不開老監賸能求橡栗
後王曾爲補松栽壓泉置案形空勝鈐鐵書磚事可哀
得免椎埋出藏器黃腸題湊至今猜

戲和真長食紫葡萄

玉椀葡萄勝醖醅座中持照夜光杯
休將鳥嘴落前認除是蜂脾割得來
凝露乍垂頰的的霏霜未褪白皚皚
訝君暗擬佳人乳漫欲量珠換取回

登天寧寺後石臺

客心如孤鴻欲往不能回懷抱九秋色
鬱鬱登高臺雲風澹白日去午彌徘徊
西屏雙椽燭隙影燒飛埃兀坐一片石
忘我膝抵苔八觚落茗椀壞葉光林隈
眼見未下棗歸可餉兒孩

武英殿觀熱河避暑山莊徙來故物

竊鉤之智世不免有幸不幸非等誅熱河故物頗散失
同光守監尤多疏時從廠市放光彩料出內府民間無
果然官司有捕獲千金盜賣宮甃甃甃邇時士夫頗建議
勿以重器留陪都乃新武英舊棧棧周匝度架層層鋪
大官親率典守吏一一發匣鳴鑰魚揣當入選恣物力
豈意韞櫝兼精麤得非姦僧緣巧竊暗以魚目充明珠
我持一金得觀覽自中入館出及晡將欲作詩錄所見
似苦夥富無由書就中花蓋最稱美御用常器陳百廚
古銅沒字不可辨或訝質鼎澀翠朱因思二者歎官物
便置莫復評其餘姬周所寶自典重赤刀大訓球河圖

珍微宋版印
斯非國器列廊廟殆侈玉象慚璉瑚古來易姓用兵力
咸陽雒陽皆邱墟今之郊畿若安堵專事禮樂宜舒徐
銅人漫置霸城下鐘簾徙似魏景初試登城闕望遼漠
汗牛輿致昔載途

重九風雨不作登高會

作客近重九那能更緩歸前夕渡江浦暖回身上衣家
人辦裝棉笑謂寄遠遲輕囊便提挈不待從者持今晨
當登高海上無翠微睡起開雨窗松間霧霏霏節物異
感念因復憶京師京師已飄雪江南柳未稀京師食魚
羊江南魚蟹肥我庭菊作花我室琴可揮婦亦藏旨酒

薄醉面生緋

三山

秦皇遣使求三山萬乘不自輕波瀾蛟鼉跨海心自壯
誰知舟楫去莫還以人求仙仙不獲生長滋大扶桑間
當時三千偃男女父母一一摧心肝芝朶碣石挂帆處
大竹小竹青團團驚子生孫已億萬反翅今向山東盤
秦多黔首皇不恤載去將換不死丹壯丁負土築西北
正坐勞役命草菅一人長生計出此更不可作長城觀

題董枯匏所臨破琴翁山水圖

破琴翁姓戴名本
孝字務施和州人

明之遺老也枯
匏爲禾中高士

明亡兩畫逸石濤破琴翁石濤名最著破琴畫罕逢破
琴手推琴不語看飛鴻數幅殘山水磊落誰可蹤枯匏
偶寫之高樹鳴顛風出以枯淡筆奚止模搭工所師在
氣體不必命意窮從來異人代跡異難強同但取精其
藝下筆理自充邇嗟俗士爲妄意圖秋嵩虛名誠誤人
徒令神鬼恫

西湖暮歸

筍輿暮出岫煙白隔樹已窺湖水清霜葉打衣還密密
急行微覺受風鳴

別林居

昔者盧玉川揚州借園宅初無人我見久更忘主客一朝將別去以詩酬竹石竹石且能言再請從所適玉川果與俱辭去如弗獲竹爲玉川蒼石爲玉川白主人縱不憚強止終何益至今某氏園惟有玉川跡吾無玉川才敢以今比昔寧謂竹石情勝吾松與柏

太外舅左文襄公手札爲桐城馬伯通其昶所藏
屬系以詩謹賦

太傅初無屋一椽還能指掌說山川後來功業西疆盛畢竟咸同老輩賢君喜碎金勤檢拾今看片札足流傳

爲言國史陳承祚故事應成十二篇

太傅初家貧寄居湘潭周氏樓得其

藏書讀之遂精
研輿地之學

爲馬伯通題所藏項孔彰畫

孔彰學衡山妙筆晚宋元其間見家法力壓衆史喧乍
展八幅畫喜開睡眠昏幅各異其境掩卷幽景存題還
白眉翁詩淺難具言想置經帙旁時用對晴軒

爲馬伯通題姚惜抱書張君墓銘墨本

作書遵熟徑熟久境回生有如丹鼎砂九轉丹始成惜
抱論大令譬以李歌行李白雖天才規矩而神明董法
出二王王得邕始精其間有授受未可近代輕邇來寫
碑手起與法帖爭是亦門戶見學強漢宋鳴我觀惜抱

書璞玉發光瑩還當錄其語允爲作書評

爲馬伯通題所藏劉石庵行楷卷子

達摩當日返西竺得骨得髓各有僧後雖鉢傳衣便止
南宗心印歸雲仍石庵初得趙吳興書家授受如傳鐙
蘭亭瘦本寧不見用意未可一律繩人物豐穰一時盛
東坡曾不玉環憎

祭詩之前一日會祭陳後山於法源寺先生之逝
日也汪鷗客作圖陳石遺羅揆東敷庵黃晦聞
諸真長梁衆異胡梓方黃孝覺皆賦詩石遺且
爲文楊昫谷陳師曾期不至

書邀祭後山往奠期可剋投飯向光公檄令作美食入
寺日方午出寺日已昃明日復祭詩生涯冷淡極詩名
滿天下何句閉門得本自不枝梧初非勤約敕窮工工
必窮其語吾甚惑持此論窮通亦用紛朱墨制科復詩
賦富貴不可測不然如盧仝呻吟玉皇側

新春 以下乙卯

春風不入時來在漢臘後王城酺十日惜不得官酒紅
塵暖游步吹面彌作垢強買新花枝欲簪羞白首相知
罕新人落落齊年友杯闌憶綺語且看春光否人誰不
姣好春與增老醜不如不逢春猶可歲寒守

贈張仲仁

日歷如山治事廳還於下省見西銘濟時文字輕縑練
邁古風流素几屏過巷夕陰常寂寂對廊春樹自青青
深談更復思吳會父老相持子美亭

莫妒雪雪二章

莫妒雪雪白畏見日白日曬飛花借風空密密途之人
何太急雪花本非花開花不結實

莫妒雪雪白非真素朝來春風生飛花作泥汙途之人
何所慕雪花本無根開花不由樹

人日出遊

春旛正在國門前回施東風與少年錯道芳菲容探借
不知爛熳果誰先鬢邊舊插銀幡直盤裏今忘苜蓿羶
還向擔夫爭路處白頭更費買花錢

白雲觀

東觀蓬萊局典墳獨窺仙館看丹文人來定在姚泓後
籍閱未教嬴政焚燈火萬株催客散香煙百合爲誰薰
寧知不肯開巾器已露書囊紫錦紋

麥孺博徵君挽詞

抱此幽憂病何由得瓦全人皆傷歿後我已慟機先相
豈虞翻蹇書空賈誼傳桐棺三寸厚真用戢彌天

覲面神交後猶能十載游翻成向壁歎誰預挂冠謀歧
路傷離重交衢拊節休何緣敏與惠更許夢中求
寂寂憫忠寺昨方祭後山誰知無忌諱淚爲故人潛便
與朋尊輟因之春事刪素箋焚寄後那復報書還

答荝維

朝來得君詩始覺春已賒準備看花眼處處披風沙亦
隨蜂躉來清詩獨無瑕無瑕詩人心俊賞三春花紅紫
須不厭青黃終交加少年已老成何況所往遐大國有
羊酪雉兔餘網罟持杯飲羣羞花前鼓三搥愧我白頭
人江湖味魚蝦不解道箇語枉困長安家日日似寒食

見慣不自嗟何由辱君贈謬以大國誇操筆賦競病腹
有書五車詎敢持短挺當君新鑄鈇

贈楊瑟君毓璣

文繡膏梁世所趨似君清絕比冰壺世家伯起風仍儉
長者公權色不渝十客座中年少最一尊日下好春俱
定應吐語勝元白却道蘭亭艷質無

十刹海修禊分韻得望字

去年春禊時寒勒花慳放今年春喜早東風作花浪往
來塵土中日嗟人去壯一晨一沐浴垢面花羞向昨日
當水嬉選境得幽曠液池濫餘波風物明晚望鷺影穿

柳枝魚苗活新漲雖然在城闕江湖未多讓因思被襖
事國俗古已尚於義有所襁會嘉禾所暢主十賓百人
飲酒各如量酒味清且旨洗滌到胸臆蘭亭羲之序久
徇昭陵葬遂拈延年詩主賓賦酬貺

北學堂海棠

都畿佛寺盛海棠名著極樂與花之北學堂中樹更老
春來露并花纍纍四本相向若連理春蟲交加無剩枝
密蕊坼開有次第得半已訝豐玉肌先花堅牢待後至
根蒂略耐狂風吹捲簾側臥看不足百歲豈有好女姿
但覺竟體增嫵媚故放枝條相亞欹堂中置酒夜會客

宜秉銀燭照臉脂已生燕趙擅殊色未要吳蜀徵蛾眉
拔可前來都門暫留卽去別後彌復相憶作此寄
之

君來十日歡歡盡更不適諸生況又去惘惘數晨夕晨
夕春已暮念我今久客城中花方盛無君共游屐來時
不及花我意爲君惜又愁花易盡使客傷春劇沈思轉
憎春終去來何益亦如憎子來曾不暖我席

獨坐法源寺丁香花下

重來佛堂下猛覺春易空去年丁香花正復今日同濃
紫間深白散纈煙露叢恍入蒼筤林喫鼻香濛濛獨坐

須斷念廿念一瞬中人生長若斯積日成老翁靜局僧
房偏啄木響廊東頭陀似瞌睡不問樹間蟲

崇效寺看牡丹白者最盛

朱門貴色倚雕闌不遣常人得近看比似僧房花滿院
客來攜酒共清歡

唐家不獨美人肥紫盞妝臺比醉妃應是太真初未貴
詔將白練作仙衣

贈沈東綠

咸同諸名臣治理推文肅豐碑表遺愛舊峙匡山麓福
州建船廠疏薦首吾叔木枿蔽海來未廢所貯竹交情

見先輩遺篋寶尺牘此誼晚復存相知宜更篤濤園居
海上邇頗勤往復東綠迹稍疏再見髮已禿堂堂明德
後便便詩書腹伯尤任天真老謝新朝祿仲誠難爲弟
舅然玉韞櫝遨遊伯仲間吾文愧非郁

真長失子

知君憎造化奪此晚生兒亦令空歡喜何由絕涕洟百
年今未半十子筮何疑破甑回頭看終非達者爲

三貝子園籐花徑

架籐爲徑兩山間密絡香花勝紫鬢故遣羣蜂嚴作衛
好春螯手未能攀

南歸二絕句

后土風花俄已刪
奔車過盡路旁山
平林又斷長淮色
不覺江南一夕還

舊愛江南便久居
買田陽羨願終虛
一廛不復饒林木
空讀東家種樹書

西湖劉氏水竹居夜宿

積雨相催忽晚晴
溼雲不盡月華生
石家屏幃空圍夢
未稱耽幽一宿情

水中石上凌霄花

凌波長姣弄春風
自舞凌霄萬點紅
照影不愁顏色老

人間年少得誰同

古微聘三恪士子言同游富春渚雨過江溢不上

七里瀧及桐廬而還

累日行不盡夾江排秀巖流湍下蒿矢飛雨落蒲帆畫
手應叫絕詩心爲不凡逢城且欲住但苦乏長椀

羣峯來合抱舟入晚江深時覩松杉美還聞樵牧音得
風開月渚俯鏡倒煙岑飯飽推蓬坐狂歌和越吟

夜泊桐廬郭風舷話舊聞士奇黃子久官慕范希文人
物能清介江山不糾紛誰言客星耀釣石臥閒雲

一川瓜蔓水江戶暫空廬不果牽船上誰堪絕澤漁天

猶掛雌霓槎莫斷編魚明日便迴棹好山留有餘

寄題丁和甫風木齋

浙中盛藏書丁陸名並峙陸書鬻外國如墮百城恥丁
書入江南其事差可喜子孫享食報手澤未盡委青青
墓門樹沄沄西溪水一盦今復存丹青非甚侈湖山窮
幽秀游屐能過此松竹映深居樊榭不專美

公園散歸

零露未白花葳蕤鉤月下墮星參差佩環散盡宮路曲
薄袂竚立涼侵肌綺城秋早人不覺金風暗動千年枝
幽單客枕怯歸臥蟋蟀正爾親羅帷

紀夢

節日居中元有夢入崖谷兩屐昔未經如何著陰目初
來捫開石了無文可讀石面生雲氣狀若水紋縠循廊
轉山背翼然小亭覆惝恍歷飛楹層城矗樓屋撫檻微
光際平視峯起伏下窺環城路羊腸幽轉轂不知山何
名莫考城誰築同游復忘之但覺非吾獨心疑若有覩
吾弟在山麓奄化雖已久寤語殊我睦皮骨上青天智
譬蟲緣木黃泉亦非家豈不勞往復日暮途愈遠念此
足彌縮靈爇忽吠旁筇杖驚投逐蘧蘧返我躬飛雀藏
瓶腹

秋日卽事

桑林爍日已枯枝尚恨西風逐暑遲底事山川黃落甚
人間秋士又生悲

棗熟秋林顆顆丹摘來宜貯水晶盤不應便放果下馬
看取樹頭風打殘

蟋蟀方秋催女紅一生作苦異春蟲玉堦略不憎寒賤
寫入豳詩殿國風

葉翻清露下高梧屏障宵寒夢覺無舊篋衣塵重抖擻
未煩刀尺費工夫

綺窗明月正流輝還見疏螢壁罅飛何限野田饒草露

翻教浪悔入羅幃

空齋

蕭蕭屋頭草啾啾檐間雀白日忽已短萬物歸零落平生見精爽客久漸銷鑠徒能親書史亦厭對杯杓空齋日坐臥稍避風沙惡軒窗隙雖糊粉紙鳴索索東鄰好擊筑靜夜燕歌作此聲殊激昂衰耳奈不樂

嫠婦

嫠婦不夜哭此心表精白夢與男子親一念愧金石何況非夢中明明喪白壁壁喪莫追悔自諱夫何益嘗聞原巨先放縱言無擇自儕不幸婦猶及露肝膈吾信此

語真獨用寬其責

和左南生觚社七詠

痾僂承蜩先累丸累三累五力能殫吾生用拙刈圭角
始得鮎魚上竹竿

跳踉相打眼中驚決勝應須耐百撈何似里中探黑白
少年羣輩攫公卿

創局真追洪水前放勳何世此何年老來眼有蛛絲繫
難讀樓頭血淚篇

從來象戲出宮闈道喻陰符發殺機吾里宸濠舊封國
可能地下起婁妃

宣和戲局詔頒行復見蒲萄上苑生畢竟吾丘能進用
枉教突破霍家罌

名駒絕影去如風何物英雄抵魏公備亦吾傳得計晚
猶輸燒掌火光中

入務何堪一局棋多應官職折因詩爲君更破酸醎戒
側坐閒看却盡時

中秋夜作

客思今宵誰與同城西坐看月行空一寒倍覺幽州迥
萬變真愁后土窮風起虛廊鳴隕籜霜明殘驛照歸鴻
遙知物候江南異庭有秋花未及紅

日夕偕徐鳳石泛小艇禁城玉河中

客中畏近登高節聊與臨流共晚晴漫遣種黃叢屋社
猶能飄葉出宮城操舟且復誇身手狎水誰曾忘死生
全樹借棲非有意波翻白鷺自分明

真長先以書篋寄江南賦此調之

冷落無如都水監長官請急吏曹稀誰能過子成枯坐
我亦相逢說罷歸入暮宿廳鳴鎖鑰當風閒慢走蚺蟻
篋書先趁江南便應告居人免寄衣

大風

朔颼萬里掩層城直起邊沙地上行游騎背南彌凜凜

珍傲宋版印
飛光去午半陰晴合糊雪屋門堅閉坐盼風窗紙住鳴
漫詡庖廚鷄鴨味終然一飽祇塵羹

南歸渡江口占

車聲南去若奔濤秋岱橫前未覺高誰分山頭望廷尉
未應壤穴笑盧敖輕裝信宿孤還客玉露增寒兩鬢毛
物色暫佳知可戀終愁蕭瑟到江皋

重陽前一日過海藏樓夜談

叩門惟見月當樓竹徑松窗夜自幽勝會共欣明日健
豪情真向此間收絕無一語論京國應笑頻歸似置郵
聊復就君成洗耳詩清知比潁長流

九日偕李拔可高夢日登高

憑誰築此傷高地將縱吾眸試一登
片席斜陽容小坐
暮天危檻有同凭
雲光到此奇難繪
人力終然事可興
還恐睡龍燒不起
空教照海有繁鐙

鷄鳴

衆禽棲不語
汝獨夜深啼
往訴鳳皇所昇天
莫汝攜

爲徐仲可題新華書畫冊子

等閒作畫與臨碑
日課如山信手爲
故紙今收付
裝背
知君至竟不忘悲

老友閨中譽
且憐還因題畫溯當年

歲己酉吾婦曾爲
新華繪歲朝瓶供

圖
墨痕八幅馨香在絕歎人生遜紙堅

萬潛齋師輓詞

跡邁雲堂寺風淳合爇鄉共言龔聖在時見葛洪旁善
友存終始裁人到狷狂傷高逢九日此別慘三霜

緘書荷勤誨厚我孰如師白首真無幸遺言益可思永
虛廬墓願猶欠買山貲泉下逢吾弟還憑說與知

平生親藥石曾爲起幽憂髓骨將何擇衣冠等自囚愧
難生二樹空詔絕三仇今日成追悔真悲落翮留

苦雨

瓦溝如撥水人靜聲更喧老嬾雖善臥經旬悲檻援長

夜亦向盡料難見朝曦餘此鐙燼昏持照屋漏痕

海上過伯嚴舊居

街頭落秋陰禿樹如敗帚幽人曾此居掬海入戶牖徘徊空屋下乘興今真偶念翁還別墅突兀對鍾阜耽吟窮陶潛誰與作重九三年避寇地漸漸寡交友所適豈樂邦亦苦阨會久

過乙庵

昔我在西鄰靜對松與柏吟聲散流水步履親籬隙東頭屋如山書架復層積有時見沈翁闌角岸巾幘得鄰不久住自笑吾何適別來造翁居堅坐爛白石爲呼蒼

髯叟隔鄰話疇昔但願再居此莫更施牆壁

菊花會

豈謂秋英果可餐蒔花今似力田難未開都被風吹損
留得些些到眼看

女艮生

女生命曰艮艮者意取止憐汝遭貧父撫弄歎無已我
年踰不惑六女三男子今年更增衰又動搖一齒汝生
誠已晚教養何所恃旣歎復轉念在我翻可喜念我六
十時當盡遣汝姊誰堪慰膝前汝正頤而美生女寧不
佳人勿謂耳耳

強飲

平生不嗜酒強飲緣無事舉朝皆甚閑况我久屏棄藉
曰堅不飲寧必行己意早知無可爲莫復圖一試或言
黎邱鬼遇且遭其戲雖疾不致死何患從車墜

哭倪氏姊

南來視病姊日日增憂驚未料世無藥尚望醫能生忽
往覩彌留不覺淚先傾猶餘斷續言目我誨諸甥又慮
我貧甚莫遂反哺情旣絕稍復甦微光淒短檠掩棺在
中堂我又去帝京念當仲夏際送姊秣陵城距今纔幾
日與姊隔幽明昨夕夢脫腕負痛不可撓腕脫誠是夢

眼枯能毋盲死後存魂氣肢體何重輕生前幸語姊應
得歸太清

歲暮書感

衆皆安京國我豈思遠屏奈何歲暮心有如落井井來
時已自戚去意宜增猛進能爲性命更復忍餓頃故人
意甚厚書勉重自省無田始不歸豢養寧非幸新臘雪
况少未比去年冷委順住亦得凍鼻姑啖餅

心如打包僧屋如破爛寺予身妻法喜生活由布施玄
冬暑雖短已過日長至作麼遣歲月惟當飽與睡同居
豈勝我不暖青綾被真肯碌碌爲三年無去志酸醎或

土炭人生有異嗜拔萃書判科刺刺盡能事

書謝安石語

謝傅昔汎海吟嘯殊自樂舟人伺其意逕去風轉惡羣
公面失色雅量獨難度如此將安歸徐徐言近謔用茲
推萬事進退要斟酌似彼操舟人性命安可托

初見盆梅

北人不識梅本開冰雪裏錯道是唐花惟堪亞桃李開
口大北勝姚黃與魏紫富貴真有種凡花難並比人情
愛紛華鮮不遠君子看慣洛陽花寧復能賞此

贈陳石遺

誰言喧囂中不可寄幽躅城東石遺室邃若在山谷庭
前雜花木中秀一叢竹竹本南方卉未宜太行麓十種
九難活冰折雪又覆奈何生君庭經冬色猶綠我家江
南岸風梢千纛矗自我來北方真色不入目尋君取君
詩一就竹窗讀爲我洗煩愁不須酒盈斛吾詩當終窮
吾貌當食肉再拜先生言改詩恨不速

題師曾槐堂

先屋後補樹久待始成陰何如因樹爲不負古人心此
槐真厖然歲月亦已深堂雖非君有居可鳴君琴我今
爲君來時時跼足音朱門多大槐未屑偶一臨佳人如

佳樹相對生古吟
因人買山隱拙哉
支道林木誠不生
巢自會翔幽禽

題春明館

不道閒居更白頭
龍年又轉兔年休
物華冉冉從教看
總向春明館裏遊

和陳師曾酒罷過寓齋夜談用樂天詩意

與君閒話樂天詩
坐到空齋燭灺時
不敢相非如直木
應緣賦命似微之
仕婚爲述平生感
藥石端難此病醫
更有一言增我愧
逢春易發綠楊枝

忍古樓詩卷七

新建夏敬觀

人日重題春明館

以下丙辰

春明門館隔年來此是探春第一回社樹含黃還小勒
宮花著蕊漫先開老懷翻苦除餘臘文思重教用退才
留與陽和吟眺地費人相待久停杯

對鏡吟

一鏡相隨久且堅閒身幻影舊因緣每看祇是增華髮
日對惟教暖破氈豈果慰情孤客畔無端取笑老人前
從今索聽汚塵土不爾將伊贈少年

題迎春花

滿眼唐花入歲新何常見是帝城春惟有迎春名自好
一時金帶稱腰身

寄題鄧尉山梅

五度山梅開謝夢中慣入西崦果使重來花下使君白
髮鬢鬢

不見吳中父老猶將鄧尉名山臨水柴門堪憶水流花
去無還

花朝作

春風不掃豆稽灰直過花朝未放回鑪火翻疑垂老戀

裘囊頻爲禦寒開準知爛熳朱明事且復從容后土才
桃李莫須憂木稼座中芳訊強持來

淮上見杏花

臥聞曉鶯聲夢醒楚山北九十春過半歸去住江國江
國春已多長淮去無極嫣然一株杏水次見顏色却念
宣南花此時開未得庭前兩枯樹日午寒惻惻不知作
何花別後良可憶

行春橋趙氏園桃花邀真長同賦

春林初葉日午暄穿桑度竹宜輕軒鳥聲吹簧幽水谷
蜂隊負弩開山村桃杏著緋梨李素花光雜聚千樹繁

就中桃花十居九連坡漫阜如火燔春風顛狂三百丈
天上霞彩齊吹翻與君把臂入花下疑有僻徑通仙源
行春佳名固已舊大字當額趙氏園君言昨歲看花地
韶景過去無略存平生涉足孰勝此胸中丹白莫復論
我聞君言重歎息人間誰見蟠桃色不如趙家園裏樹
春可賞花夏可食

花塢

不知花塢許深山但覺流香出塢間一一結庵穿竹徑
人人誦佛閉松關杜鵑枉用啼春早胡蝶能教宿草閑
試望白雲堆裏白何如來客鬢毛斑

西溪

來過青山春歸看紅日斜蘆芽微出土溪水嫩漂花野
色無裝點西湖是別家

李拔可新宅白籐花

我謂覆籐須作廊君言籐宜屋爲架塗髹漫堊有何好
不如白花似銀研鄰家種籐數百步宛枝長虹紆可跨
春風曾不强分別一樣開完始休罷我疑屋中君坐臥
外有束縛寧不怕君方治酒召賓客曰今花開我方暇
不愁風雨使齏粉落在當堦猶足藉北園有地三畝餘
千萬買鄰休論價我言喜謔君莫惱君出每晨歸以夜

歸來秉燭看此花脂面吳姬妨妒罵

歐陽南雷以代白馬王彪答陳思王植臨別贈詩

見示輒書數語還之

建安諸子實憤慨子建才雄尤可愛我初持戈欲漫入
壁壘堅深當則潰文章寧不勝智謀吳質突過應劉輩
贈詩愛弟感朱虎自試屢求終見廢朱虎不答豈不能
將軍奮髯吟且代筆強意馭喻者誰萁豆相煎今昧昧
階前去歲戲種山藥今歲苗復生

弱苗纔尺許青青葉如翦偶因故地茁得避行步踐種
植豈有法生理誠非淺平生坐無餘雖飭食不腆曷若

障簾翁勤動計可免一耕遂歲穫此物蓋已鮮

夜過拔可新宅納涼

戕戕街樹燦燈光中夏過君覓夜涼百步能寬閒壤美
兩端不掩玉河長未愁明月干苛禁祇有清風是慢藏
畢竟此田由海變高原何處可栽桑

寄題高向瀛福州環翠樓

海內收藏存者幾世家真似靈光殿丁陸轉賣方未久

抗州

藏書推丁氏陸氏丁書爲
江寧所收陸書則盡輸日本矣

故人款印紛紛現惺庵

蛻去子莫守

順德丁叔雅

蕢齋被奪緣世變

豐潤張幼樵之
子流寓江寧辛

亥之變藏書
盡被劫掠

鄰蘇生平亦賈販歿後所聚散如電

宜都楊惺

吾五車一落市人手奇貨數金售一卷鳳孚豪斂昔無

敵

鳳山孚琦

南潯劉蔣近尤擅

南潯劉氏張氏出與爭衡矣

近則蔣氏出與爭衡矣

賴

存舊文在中國所憐寒素難望見高君述德意良美百尺書樓重修繕獻著論黃景微獨寶傳家說經硯

爲合肥李曉耘國柱題其先德滋樹堂遺集

梅詩極平淡平淡人鮮能莫怪俗眼盲鄉人猶罕稱先生知梅者序意稱其朋其朋葉子謙尤嗜梅宛陵十年詩尋醫此友三折肱我善先生言惜未覲懷園一誦滋樹集稍及見淵源令子雛鳳皇清詩聲琅琅子美師必簡成就未可量還味先生語書以勉毋忘

李之先德名經達

高穎生寄荔支

閩船三日至遠寄樹頭丹折趁風包熟遲防露顆乾折
開青篾籠驚菀赤虬丸掛婦釵梁重充兒畫本看密釘
堅外殼薄綺媚中單未忍渾侖食頻將表裏觀豐肌真
自潔頽核不須鑽液冷初沾齒香清已沁肝朱顏慙故
鏡朝日照吾盤恐負兼程餽惟當併夕餐將軍依惠守
舞女慰陪官何似君謨譜陳方坐致難

洗兒歌贈胡詩廬

君家有山名鵝湖龔生蓄鵝世久無邇來皓質入君夢
墮地化作偉丈夫君家諸郎盡白晢感此更產白鳳雛

三朝會食飽湯餅貯盤香水洗玉膚馳書告我識君喜
念我不得親酒壺君今蒼然貌已臞此子將慰平生劬
盍高門閭令容駟中留矮屋題詩廬我慙一事不可作
亦弄兒女用自娛河清有期兒可俟我輩髮白兒髮烏

擬寒山拾得九首

我於衆生中見佛被魔喝又慮入地獄佛亦難掙脫奈
何度人念念念如飢渴一時乞食已還坐放下鉢
西方果是幻此方豈是真此方與西方本來如比鄰有
足不得到兩腿扛一身何如四蹄駒隨緣扛路人
分明不可說却有一大藏終身誦一句全部皆不忘若

要句句解字字都是妄初佛讀何書一朝喏自唱

團團霜夜月任運落前溪溪與月何緣自東看到西黃
牛來喚人去扶田上犂不關渠底事隔岸一聲雞

門外石法幢千斤不爲重不能轉動他反被他轉動誰
何明轉物人前好賣弄被他絆跌倒引起大家嗔

嘗聞學道人要絕三彭仇三彭果何物有身無時休有
時中陰身回首顧山邱塚中蠕蠕動譬若蛆食牛

智永瘞筆頭殺却幾萬兔雖寫萬部經無字不是誤我
聞兔生子辛苦從口吐拔毛安盾鼻更用作露布

報境與幻境說二不是二衣裏繫明珠安得辭以醉如

何夢方醒夢事忽忘記由來白日中動作如鬼魅
春風豈愛物故作頃刻花秋風豈好殺收拾無些些橫
生不得喜橫死不得嗟我無分別心但看焦穀芽

哀林亮奇

自字曰寒碧義與晚翠近殺身雖不同畢命皆可愍愍
此不測災一閃成齋粉竟遭路人殺豈爲禍有朕與君
交未深識君自觀槿又聞收君骸吾友意已盡

贈張菊生

紛紛急事功有如折轡線操是奔走人利鈍何由見先
生當戊戌歸思及狂狷談笑却再徵解體觀時變相知

十餘年見君若初面案頭積日歷一事久不倦婆娑術
藝場兩鬢未生霰我觀舌辯士恆以白望先斧柯空在
手舉世莫稱便拂衣悔太晚從子計良善爲壽當如何
賢哉美蘧瑗

題徐復庵先生覓句圖

復庵佐左文襄興浙江水利終於縣學訓導

東坡初赴杭往見歐陽子謂當往從勤到官果先詣湖
山豈無人惠勤一僧耳我疑二賢失言或出該詭當時
覓詩境遂在孤山址築堤繼樂天不朽賴有此左傳却
不然全浙定鞭撻功成謀善後舉廢由用士復庵終儒
官奔走救瘡痍何嘗以詩鳴自效陳無已一階且不進

窮乃正字比用知士果賢非可利祿使

危樓

去天一握聳危樓但欠山光起倦眸此會歲來同候雁
吾身老健及殘秋埃車過市風初冷煙突連江日易收
欲共天隨商去住無人不勸稍淹留

贈王又點時新解婺源任

頭白親歌席猶傾醉弁斜忽懸七月印飽喫一州茶鄉
里柳三變官階溫八义流芳亭柱句傳寫吏民家

題彊邨校詞圖

披圖憶蘇州楓堂散書帙起和几案間落葉秋自瑟子

厚謂崔黯好詞真癖疾而我獨與翁翻喜趙中蛭妄人
惑圖譜協口不協律此義初濫觴紅友功罕匹王敬之

戈載與徐

本立

杜文瀾

四士皆晚出詎曰能審音聊以

去其窒我聞體在聲瞽師調器必樂心在於詩正文宜
有述正文君子事道小寧可黜於何寄懷抱老去遺歲
日平生操千曲三爵屢顧失胸中有可否忤俗已非一
俊哉邢子才誤書尤所睚鼓夜誠可疑不改教在筆

初冬示任心白

重幃初揭透晴陽微覺街桐夜過霜迴顧冷衾如脫繭
起看昏鏡漸生銍終朝唇齒皆成黑同輩頭顱我較蒼

賸有計然餘策在江湖減盡一生狂

題徐隨庵小檀欒室勘詞圖

汪生作此圖未落顧生後汪圖傳隨庵顧圖傳漚叟二
君同所寄二畫皆妙手再賦申我意我詩類駢拇我觀
汪生畫修竹當戶牖截之爲笙竽吹律中八九燕樂歎
歇絕管色存伎口三寫出手民舊譜誤周柳邇來爾方
吳字字四聲守依律定雅詞點勘昔未有校書掃落葉
從笑千金帚得失雖細甚至樂須不朽

徐圖汪洛年作
朱圖顧麟士作

贈徐又錚

相斫左邱明相傾孫武子徵左注武書牧之聖俞耳二

君皆儒生梅窮非杜比平生學著書一得聊自喜談兵
而究弊亦復不自揣十年闔閭國未挾尺寸筆北行見
徐君餘論稍與己君真牧之流仁義堅壁壘罪言今皆
中蒿目地生瘠乘時用所學先民有正軌抱珠龍潛淵
何以安魚鱗

晚入江寧城中

雄城收草莽墜夢掠欃槍問少親朋在過驚里巷荒徹
天新畫角扶路禿垂楊未改惟山色誰憑挽肺腸

濟南遇雪

插翼載夢魂一宿見齊魯奔車岱宮下冷不聞鐘鼓曉

來萬胡蝶翔就客身舞邈然歷下山境過意彌憮去年
蝗蔽天及冬蠃入土今夏復構兵此城如沸釜四縣況
未安舊麥空倉庾探丸及良家質田饜求取事急賴天
時歲豐或有補佇看至牛目瑟縮忘所苦

南歸過淮上喜雪

萬玉翻空勢壓田飛車接軫向冰天便增高地無涯厚
更踏長淮徹底堅壞郭入時裝粉堞寒林過午斷炊煙
隴頭堙盡牛羊跡應慰流亡度厄年

哭從兄達齋

久客疏骨肉惟君不吾尤迅雷碎吾顛嗒然與同休在

昔休早衰痼疾藥罔瘳生聚慮非久分手等速流仁厚
獨無子善類天所讎及存索繼胤悲語鯁在喉差強慰
君意在釋嫠嫂憂同祖十四人九已先山邱君我貌最
類更復同所修君今又先我以次能免不幽明誠有域
後死憾寡傳惟餘有限淚一落不可收

達齋歿後過义袋角舊居

破椽重過尚空局憶與阿兄共此庭繞屋履綦今久絕
臨街樹纈歲仍青主林盍徙池邊蔭宜樹猶偕戶外幹
真似淵明哀仲遠祇餘悲淚應心零

題姚叔節西山精舍慎宜軒兩圖

斂金庀材成廣廈牛毛學子鱗角寡使民識字計以年
終竟六經付擗捨吾曹少年讀書處頭上纔有數椽瓦
通人百輩出窮廬我雖不才勝於野披圖一讀姚氏記
追憶承平舊鄉社縣前山色昔所親邇日誰堪蓋茅把
渡江始識通州范近因叔節更識馬通州范當世桐城
馬其昶皆舛氏之
壻流風飫聞安福君文字薪傳侔二雅觀君所記真名
言未能以語饒饒者畫山畫屋良憮然老去何曾一日

捨

叔節自記安福君之
遺訓以釋慎宜之義

送竈日作

災生元二不隨除漢臘蕭條送竈餘誰信小神能謹告

人間罪惡不勝書

輓潘若海

鬱鬱沈哀獨在胸不因易代換章縫九原誰爲歸君骨
五載無由識汝蹤未死定欺瓜種谷及亡方覩木生淞
高文自古輸風義足愧揚雄與蔡邕

贈林畏廬

畏廬談天方遠紹搜神記同時嚴幾道抗手極能事嚴
書語太玄久且蠹生笥吾意竊與子刻骨妙諷刺憶我
初入吳燕見南皮帥極口詆嚴書憂深洪水至抗言謂
不然逕取見真義轉販來扶桑始非國家利帥時務遣

學繆獎同文字終竟罪所歸進退惶失次抱冰堂上客

至今拾牙慧書此聊告子且宜嗤以鼻

時有詆畏廬著書隱俗者

六日過徐家匯飲拔可家

以下丁巳

斜陽穿樹菜畦明出海雲光正與爭牆援隔家疏又密
車衢沿屋曲仍平層樓窗扇烘雲母淺渚冰漸漾水精
便擬一春長得酒花前次第爲君傾

同汪旭初

東寶

諸真長靈峯寺看梅

岡巒稠疊古剎低踰歲再往路復迷却循煙嶂覓梅塢
數轉忽露修篁齊丹垣隱隱掛巖麓入谷紅萼沿層梯
根株雖小三百樹隨勢點綴成春蹊果然北嶺寒稍勒

東風颯爾來穿締遲花供看莫恨晚往春結子今入泥
迂迴赴壑午已逝難更導子山亭躋嵐光養睡遊且倦
籐輿便體真折折烏舌未和水聲緩南山二月飛鴉啼

翁家嶺

將扼龍井背緩步登絕巘仰窺疑盡磴勢促徑屢轉腰
脚誰先疲倚石憩微喘稍須復就輿昇升雙竹輦闐然
入村閭雲居鬧鷄犬鱗比數十家生聚得平衍牆屋圍
書聲琅琅清可辨俯視陽岡佳鄰炊動晴曉流泉過林
麓無術接飛笕收茶富生涯負汲日以勉

煙霞洞觀紅梅追憶學信長老

學信一頓飯十年觀朵頤佩囊鎖煙霞放入大釜炊運
斤作三亭尋葉遮二池梅株更老醜萬萼暄故枝一樹
在洞口皮骨蒸赤脂盡收夕陽色不墮春江涯風日減
爛漫我來真稍遲當復問獼獠孰是彌天彌

二月二十二日葬陳左兩淑人於杭州法華山心
涼亭之陰書此示兒輩

照山松炬緹雙棺線淚真淪九地寬自是念頭垂老斷
亦拚骸骨異鄉安指塗溪定江流合齧月林愁雨過寒
及此身親封樹事要令兒輩識峯巒

留下鎮冒雨還至墓上

迤途交竹蔭落壤匯溪流市輟仍非俗峯橫且未休鳥
聲先薄霧雨氣又連丘手種宜桑柏來春杙狙猴

雨中挈婦輿行踰桃源嶺赴天竺寺

幽谷雨正稠遠嶺煙彌積曉行誰我先山泥少人跡籐
輿費牽挽側墜蹲鴟石超然入雲中下顧茫茫白微能
辨鐘聲指認空王宅小憩語吾婦冒雨自一適惟當求
茶煎驅瘴去胸膈

法相寺古樟

古寺亘巖阿叢灌青夾嶂平步入僧樓俯下邃若盎其
上覆何木廣大陰佛帳循牆遇根株駭立莫名狀平生

觀豫章魁碩無與抗二身力交拏怒筋纏骨壯天泉容
萬斛坐悟空入臟歷劫不自燒生長姑盡量化去長耳
僧枯胎世供養彼此若強分因心生法相

李畚曾丈挽詞

信州遺蹟似桐鄉柱額曾題寶井堂五載世紛堅解體
一流江水直迴腸朋游勝日杯同撫子弟齊年鬢亦蒼
猶有夢魂趨賃廡老成溫語未能忘

桃花謝後作

桃花款款已盈陂風後無多掛在枝不忍重來踏花片
祇應遙立看些時

雨中出吳淞泝江

雨中江海渺難分
南岸霏煙北岸雲
墨楯浮空是洲島
鯨鯢吹浪總紛紛

泝洞庭湖

獨泝洞庭春水夢
回十六年間不見故人眉
嬾白頭愁對君山

暝靄浮吞落日明
霞低帖澄波隱隱九天窗
闌相思不見云何

至長沙主於左太傅家憶壬寅與左淑人居錫館
今日十六年而淑人歿已七年矣感愴書五十

六字示內弟良生南生兼答南生喜余至之作
入門真復雜悲歡翻咽千言在肺肝咫尺春櫳都改換
連宵雨枕更幽單姿年夢斷頭先白後死心孤世亦殘
了了仕婚彈指過謝庭今日獨回看

偕良生南生登天心閣

此城居井底有閣聳天心春暗千巖色風收十日陰泥
鱗親釜水垤蟻漬蹄涔剝極終當復吾儕盍俯臨

謁賈太傅祠

先大夫所修十
歲時曾侍謁

漢家雜霸治方新太傅爲言火厝薪爛額祇今忘曲突
白頭空復見承塵時平易逝吾如夢年少相師士罕真

獨有教忠遺訓在孤兒流涕拭貞珉

偕左良生南生君年徐明甫游嶽麓山登雲麓宮
髫年侍吾翁勝日陟幽築誤墮白鶴泉曾濯雙白足蹉
跎卅三年此景重在目山色雖不改人事變陵谷春風
撼靜柯午雨暗鱗屋石闌一俯仰飛鳥勢殊促祝融九
天際想見卑雲麓諸君腰腳健宜未饜所欲我獨以輿
從衰慵不自忍會攀碧雲峯一就禹碑讀保護俟耳順
後約期勉續

春江

奔江無束爲春狂萬里煙花入渺茫岸草亦隨波以路遠

不知到海幾多長

車中望太行山

莫道春殘春更狂高原鶯囀草初長
柳花三月山東路黛色連州潑太行

題朱研臣先生遺墨先生杭人居胥山麓建樂山
草堂終身隱焉徐子仲可先生婿也

平生愧羅趙未可語師梁發篋陳遺墨披圖見草堂
魚蒲池水墨蟲葉柳柯長玉潤真吾友因知樂涪陽

重至春明館

繞宮花柏路交深后土高春落萬尋五載覆車驚過夢

未來應是不如今

悼女艮

念我小女艮生未及二周玉靨豐且頤修眉映炯眸學
語朗可辨突過常兒喉肩隨兄姊行聰慧汝其尤前時
斷乳哺代以洩麥麩未料含顰鄒損汝臟腑柔時方溽
梅雨下痢醫莫瘳奪去母懷中微命遭天仇嬰孺小花
乳在理難全留我如老醜樹著花況未休最小因偏憐
謂可娛白頭命名義取艮艮止復奚求慈淚爲汝零悲
胸爲汝圓餘容未信天悼歎銘汝幽

爲周夢坡題潯溪詩徵

湖詩錄始大鬻孫倪輯微疑例過繁人物自來全郡盛
土風矧要一鄉存得名未比花邨舊占席還分笠澤尊
試與沿流覩歸宿溪聲終歲足寒暄

孫莘老編湖州詩
倪祖義乃有吳興

分類
詩集

題張亨甫際亮洪橋送別圖卷卷中有宜黃黃樹

齋侍郎詩

渡江登焦山曾坐松寥閣再展洪橋圖風流見杯酌詩
名未掩俠晚行類朱郭閒關救石甫意氣今誰若慨覩
宜黃詩往事述其略抗疏禁鸞粟侍郎言謬諤文忠尤
激昂山積火焚灼諸疆實不濟重地喪嚴鑰大事付穆

琦內外構和約石甫方守臺忌者讒譎譎因之從林黃
以次貶且削夢歸翻五兩鼓浪勢可愕別酒想填胸吐
語芒在鶚扶疴急友難竟欠死邱壑忠邪雖定論國燼
燎原燭世往散如煙運會艱絲絡禁鴉片入口實始於
樹齋侍郎一疏林文
忠辦之尤力和議成文忠遣戍伊犁桐城姚石甫以防
臺功反坐罪被逮亭甫力疾入都救之石甫尋降同知
發往四川亭甫竟歿於都時樹齋侍郎亦坐疏奏負咎
左遷員外郎泊穆彰阿琦善敗戮林姚復起樹齋則竟
流宕江
關以死

子言頻寫似寄姪詩又追述弟於勤駛海琛艦入
淞口事傷逝憫亂不覺言之沈痛因作此詩慰
之亦以哀念子弟也

將才真似啟明星掩耳空難夜走霆豈料餘舟成敵國

自辛亥以來
海軍屢叛

還言并案討丁零

時與德意志宣戰主者
且謂足以雪青島之恥

浮家漫看橫流極憶弟同悲后土瞑親付阿宜惟萬卷

君應勝我道寧馨

雨夜宿恪士湖莊賦贈兼示仁先

喧君寂寞廬濕我久繭足滄然白山顛颯爾跳湖淥桑
條老猶黯荷背半已覆終朝滲未止入暮昏且速倚看
徧六窗美睡逾二宿題門杜陵句十字可三復况有驚
坐人與君接鄰屋屋小纔如舟並浮煙水腹君言兩屋
間來歲閒以竹劖筍當共飽森廊亦分綠會見增坡陀

何憂水生谷

題陳仁先義熙花移圖卷

惡魔纏夢雖云瞥人間六秋須坐閱佳花在手看一回
白露成霜又成雪此花憶是日下移名品百揀已稱絕

黃華知己邀寵題

鄒小山繪菊百種御題黃華知己四字

耿耿丹青貌真

節江湖自伴老瓦盆朝朝灌以寒泉冽編籬水次過雨
後夜深吐月山岬嶠對花伊人美無度矮屋竹窗恣陳
設還將甲子紀此花直是陶潛養生訣

獨游滿覺壠看桂

雨坐難復忍躍起看新霽冷店隱崖間宿漲流步砌歲

巖谷神居磊砢一山桂兩端邃洞天其下蓬顆翳修途
散芬馥應念敗酸噫彝雜大衆中附蜜蟻連綴我亦聞
香來鼻根殊欠慧誰爲解穿牽乳牛悲墮世叢蒼掇糝
金風吹脫根蒂落在白石頭乾苔毛髮細

同伯嚴游掃葉樓遂循東岡得鄭介夫祠還過烏

龍潭望薛廬賦詩一篇

半千山水窟壓寺殘秋蕪止車大木下黃落照霜鬚信
步叩殿扉土階竄飢飈其旁小邱山風籜吹徑枯樓宇
差完整伏檻城數牕蒼靄連複嵐絡窗明網蛛眼爽視
壁字翁題掛西隅磊落妙心畫突出焚札徒兵戈六七

年夢寐承平徂悠然過耳鐘未敲鼓角轟東岡起槃散
詭說慰日晡兩山密竹間緊誰構精廬疑當事猿公有
女有丈夫將搜一段奇披榛從樵蘇下散溝間雀飛啄
屋上萋乃是一拂祠卓爾熙寧儒知名荆公門苦學宿
繩樞數諷免役法帝鑒天下瘠建祠福州沈政能飼雞
雛因念蔣謂公獻畫事與符五策悟仁廟歎比流民圖

康熙時常熟蔣伊繪十二圖疏言其狀又五疏救
荒策仁廟東巡見飢黎歎曰此蔣伊流民圖也 緬德

八九帝未料喪神珠顛覆豈有故世變古所無竭來禍
洪猛士悖薄典謨飯豆羹芋魁大纛張萑苻半千所遭
時固勝今日吾走鑑潭上影蟲柳穿魚蒲薛顧猶幸民

岸幘老江湖

薛廬爲全椒薛慰農所居在烏龍潭上薛沒後其門人顧石公居之今顧沒亦十餘

年矣

贈沈濤園

廣信甘棠手植初如山積笏在庭除繼茲愷悌二難并

政爾風流七步餘別後徐亭碑欲仆竭來汝社座常虛

大年定似張陽武悔見人間相斫書

濤園在贛藩署作百步廊又愛讀春

秋左氏傳

相見詩斑已滿顛篋中詩史要旁箋酸文故與娛三酌

直論真能表四賢釘坐荔園烏石下挂瓢松徑義熙年

誰爲主孟歌枯苑切響辛勤入相絃

贈徐積餘

抱冰堂上忍須臾客座逢君髮尚烏老去荀卿猶客楚
竭來伍被歎亡吳入時豈用尊壘器行樂相看笠屐圖
萬卷迦陵增嫵媚且收豪氣向江湖

一醉相邀且釀金冰天各抱歲寒心行廚漫與親雞鴨
煑字還饒飽蠹蟬牖下青松應計尺江頭紅萼漸宜簪
消磨漢臘檀欒室哀集璇閨正始音

立春

久無生意到寒柯小雨回春陡頓和繞樹漫將巾子戴
些二須分溼鬢絲幡

元日雪晴

以下戊午

飄瞥街頭萬玉枝朝曦近海越多姿瓦溝薄薄旋消溜
窗戶輝輝漫下帷客久鄉閭疏肺腑夢親林岫皓鬚眉
酒杯聊換新年意隔歲江春未道遲

太夷哭子詩有云潛魚爲飛鳶久羈等一縱魂魄
猶樂生億測恐難中余以爲不如釋氏瓶雀之
擬且因其意而廣之聊以慰其沈哀也

誰能起蒙莊對殯談名理知君有深悲慰語徒爾爾讀
君哭子詩請試廣其旨我愚未聞道豈足了生死姑捨
血肉軀妄將天上揣凡軀累千鈞登陟艱舉趾夢中生

兩翼栩栩猶自喜設令釋重負昇天直如矢寧復仗羽
毛去地纔數里天庭端冕旒羣仙整綱紀文士鏘鳳鸞
猛將森虎兕豈如下土臣犯上作姦宄因思往天都骸
骨定敝屣奈何比飛鳶跼跼還墮水等之雀爲蛤徒見
淦魚鮪勸君不須悲我言或非詭靈牀倘可證書以詰
令子

江水忽鹹

江水清甘舌慣知倒流真令味相漓人間海井何從得
還到胡麻已渴時

答成澹庵除夕見懷

子規與精衛精魄自存在脫身惡木陰不死亦已殆
鴟吻初未露駁色充異彩何況兩微禽鳳皇亦受給吁嗟
鳳在笵善類將盡醢子規歲嘯山精衛日填海要能安
我分天命豈可悔讀君懷我詩曰歲已七改還當二鳥
囚冀可感真宰

自雲棲寺至六和塔江干口號

布帆受日點江明風激磯頭沒蹠平看取靈山齋會散
拖泥帶水一回行

雲棲寺蓮池大師塔下聞子規啼聲

子規畢竟是春禽啼向深山大竹林我豈忘情能不哭

陰庵羅樹晝森森

上塚

土坯已是一年封宿草方春色更濃背倚稠岡高下木
前看隔縣淺深峯居人漸比鄉親熟鄰鬼還分麥飯供
骸骨定隨山化石兒孫合傍墓爲農

感春

狂春那得收坐被江水謾闖然到花枝風雨已寡歡我
居小庭院外無一步寬無物著春風在眼翻是完金谷
花滿園見開不見殘飄落有不惜人生異心肝

濟南桃花

桃靨豐肥比碩人花餘吐葉自蓁蓁拂車細雨河橋側
不似江南小蕊春

偕冒鶴亭吳董卿湯定之尋極樂寺海棠

勝情隨古盡破寺花開落入門殿穿頂佛面塵漠漠西
牆老海棠壞如佛纓絡作花真有數根幹半深蠖同時
數十株昇種排雲脚春皇久棄去無人捲簾箔士夫談
掌故漸罕諳其略舉名問途人誰歟知極樂吾儕性迂
怪驟至僧且愕歎息對此花與春酬寂寞

題吉林成竹山澹庵圖

與君隔萬里夢若居一山披圖見君廬一見開心顏古

不入中國游屐誰躋攀惟君實隱此文字鐫其頑畏廬
下筆時意較平日艱畫之未必似似君胸膈間

題湯貞愍手書詩卷

絕句十二首無題不署
款琴隱集中所未收也

所能皆絕品身在已爭傳此是閒情賦休尋本事箋
黃冠易貝水遊戲下羅浮艷才當玉茗真氣比睢州
杲卿忠斷舌康樂慧捐髭未可相拘泥誠非俗解爲

湯山

京西山色殊寥廓城中青青不見脚終朝近看寡好顏
欲畫誰能成殺落其間名勝相距遠離宮佛寺占丹堊
新寬馳道接頤和北過諸坊雞犬愕湯山如甌坐平陽

蒸霧沈沈出簾幕是誰署券借明光漆斛傾河費興作
宛然廢殿戒雕鏤池面無風鶯羽掠歸來客舍夢黍離
照眼楓花翻寂寞

自濟南達徐淮道中口號

濟岱春光未有涯灑車攔路是楊花行人不覺衣裾白
但惱緇塵日日加

麥畦漸看過淮黃已脫風沙入水鄉一歲收成須及早
雨來洪澤欲茫茫

鄭叔問舍人挽詞

老死相因至悠悠是九原相看萬事了寧有一朝存几

案親遺札歌詩抵罪言立錐榛棘地誰問鄭王孫
遠跡投吳會其如謝豹何萎春從草木費淚與山河怕
聽臨風笛真無返日戈惟餘井水處都解樂章歌
夢過垂虹曲春歸大鶴天一空彝鼎架盡換米鹽錢小
巷侵書帶殘鐙冷坐甑白頭傷氣類流涕似長川

沈小沂挽詞

秀孝初除試相逢各少年文章不寒素裘馬最華鮮晚
歲才非退衰時命與延得金教散盡破甑豈求全
自約翻差跌浮沈亦可傷豪看探布帽倦卽臥繩牀奔
逝憑江水危驅歷太行私恩下哀涕獨見蔡中郎

珍傲宋版印
捉鼻徒能詠吾衰愧謝生相攻妨禮樂過好折功名祇
用悲頑艷從何徇俗情靈牀入門見聊復效驢鳴

驟雨

秋雷陣陣壓檐來急雨當窗灑一回簾箔衣櫺齊舞動
些時又揭日窗開

爲孫星如題其先德遺墨

一州學派標今文先生兼採漢宋說著述未傳良有故
風氣所掩須抉別短箋數紙半說詩略窺所學惜殘缺
折衷箋傳富援据東塾遺書當與埒我雖未覩禹貢注
想見九州掌紋列及今尚有能讀者父書在篋宜梓鏤

前時見君買書記辛苦韋編已三絕書廚破敗洵足寶
賴有階芸香不滅

和拔可病起之作

相看臥榻訝佯狂漫取人間百病嘗曾是夢中留我飯
誰教世味腐君腸再生作會誠歡喜比壽從今孰短長
萬事在天難逆料九秋蒲柳各蒼蒼

八月十七夜自楊莊泛月出西泠橋還復登葛嶺
杳杳虛瀾起檻東清光旋滿綠楊中小橋轉面湖吞月
匹練迎頭水得風壁粉自明緣背暗盤珠無定欲行空
向來未信煙霄迥秋屐沿山夜不同

泗州楊杏城輓詞

接座春杯暖常親肺腑言人皆疑過默我亦厭羣喧說
士空三策深居洞一垣潭潭公輔器遭世有難論

魏公嘗密記顏尉奈無宜既退交彌篤當前百可思投
瓊亦觀德擊鉢每催詩今日緣纓淚來看絕筆詞

葛嶺臺前路從茲履跡空哀笳向淮水殘月到蒿宮銘
誌埋何急親朋哭未終虛堂藥臼在竟欠絕三蟲

夢坡作登高會因題許珊林九日詩冊珊林有說

文解字統箋故末語及之

忽復歲重九層樓觀海隅俗情存古歷高會到今吾豈

有山需屐還將酒在壺題糕當問字其奈許書無

壽葉煥彬母八十煥彬先公門下士也

力學由有母成名豈僥倖譬如產靈卉其山德彌靜總
角見令子衡齋業常請先公喜得士舉座歎風領吳楚
兩洞庭穴通照以嬰夜讀龍威書手持汲古綆羣兒壞
綱紀目驚跳踉打稍賴郭郭存罵賊舌能逞胸中藏萬
卷於此觀介耿奉親走吳會兵間跡遠屏思誤邢子才
注鑑胡三省中更三十年重面訝異秉青青樹背萱足
使日歷永

游半淞園殺甫達甫同作

滬人日休沐市樓成保社百年作夷居國風存已寡濱
江有幽築廊屋頗樸雅累石鑿污池種樹逾拱把吾曹
偶同過臨眺喜在野勝於升屋顛俯視萬鱗瓦子猷誠
脫略諷嘯好竹下不問主人誰未煩爲掃灑

答毅甫

吾論自存吾舌在獨難附和到蠅聲亦知厓岸人將殺
未信山淵辯可平篋有攘書還自閱酒爲狂藥足戕生
師門學案今傳子幸不填洵待水清

泰山下觀雪

冰天逍遙過岱魂風吹雪花車輪翻須臾六合變顏色

低者慘白高者昏太始嵌空一片玉風饗雪餐爭相吞
帝庭已壞簡策墜樵牧蠹犯巖穴尊翳古歲寒至斯極
春藏后土誰知恩

哭俞恪士

生存累萬緣朋交亦其一緣盡判人鬼幽明不相悉來
生果何境閉目黑如漆一見一回親生交愁短疾病起
尚過我詎知一面畢讀君最後詩痛絕爲攔筆湖風淒
殯棺空榻猶在室便當緹黃泉骨入那復出平昔憂老
病果死曾無恤游魂類初生寧更念昨日自君關隴回
喪亂歲已七舊宅臨青溪壞幕散春飢早料蟻穴堤一

潰難止汨收跡向西湖繞舍竹纔密小窗對南山過君
曾促膝遂爲墓上廬微塵厚書帙覩此百追念平生重
品隲大節略不苟宜仕亦宜逸晚詩尤自道語語見真
實樟亭勒游記十友君先失呼君君不聞夜葉空蕭瑟

忍古樓詩卷八

新建夏敬觀

五日立春

以下己未

莫喜春氣回舊歲從此休莫憎春色晚既至如奔騮開
歲始五日東風噓海陬乍觀羣物欣中已包百愁於物
僅小遂於人直仇讎蹉跎少壯心努力造白頭初禽鳴
屋角所思往芳洲與汝共天地寧知身是囚

題王尊農說夢圖

夜夢歷一生千變纔俄頃覺來欲語人十事九不省一
二未去心必非恆歷境譬如善知識化作獅子猛輾轉

費百思從何尋要領自餘皆熟途譬若形有影持火照
壁間己身難自屏君懷五色筆平昔暇且整酸鹹千萬
言回思味彌永此意吾會得與君同暖冷世界置掌中
試擲謀一逞

題褚禮堂松窗釋篆圖

洙長存古秦燔餘溢文復載元朗書許書校定賴大徐
陸釋衛包竄改殊鳴沙唐本天下孤乾嘉學者眼所無
金文廟楷蜜麝濡瓦貝晚出左證臚羅列一几琳琅俱
祖龍裂眚怒此儒遣下察視五大夫我言用告李斯徒
籀取沮倉猶楷模秦字取籀爲其奴六國異文未掃除

雜寫毋乃爲秦愚禮堂探索極繁銖著述要過莊嚴吳
莊述祖有說文古籀疏證嚴可均
有說文翼吳大澂有說文古籀補九仞一簣爲山劬

題金冬心畫梅

精魂映花輝清思到春深疏疏三兩枝意出太古林真
士習花性腕怪胸崎嶇誰云不入騷自得騷人心

送春二首

持酒餞殘春春園步步陳花休臨檻樹柳蔽上樓人回
施狂非昔相看事轉新作歡餘老境猶健二除身

游屐通吳岸江梅子已肥苔簾滋雨暗蘋路斷花飛脈
脈鶯藏睡睡疏疏蜂散圍一川天景暮送汝欲何歸

四月朔日集瓶齋作錢南園生日會觀真草字幅

畫馬

苜蓿初肥春色殘先生盤內長闌干愛書如獵見輒喜
放筆一顧十二閑昨作南園生日會壁張書畫皆絕世
漏痕突擬郭兵曹意匠復侔曹武衛國朝書家畫誰若
書自沾沾畫尤薄仿古不到宣和圖媚俗無非淳化閣
南園振起人中豪後來繼者猿叟高子毅力摹及神駿
二絕分占難并包啟祥宮南如意館郎生蕃騎開畫本
當時一藝動天嗟舐筆候門何足算南園抗疏震公卿
諫草自比坐位爭豈費丹青圖仗馬再題歸牧氣崢嶸

祖宗入主由鞏馬未重鄒陽諫獵者責官聞屈折檻賢
寧有御花添帶銙緩勒彎弩意態真大幅小幅皆可珍
自來筆妙要奇節子昂雖好惜失身百寶一二豆尋常事
吳飯盤遊姑伴醉試問漸離擊筑歌何如公孫舞劍器
李幹承自武陵來喜得伯弢近狀因以詩代書寄
之

武陵豈有避秦居應是黃巾不犯閭自擇水田聽布穀
閒過路家見蟾蜍菖蒲身老薰風外瓜蔓情深夏雨初
一見李君頻問訊強於得報數行書

題龍毅甫南北史小樂府

十志單行例已先入朝二史復黏連體裁要是吳均比
掇拾猶如罽錦鮮

漁陽樂府格詩新獺祭功夫亦自頻識小掞華真一族
未妨西爪與東鱗

南窗夜坐

衆星灼灼月娟娟想見羲輪尚在天獨此九州長夜黑
愚夫真道有虞淵

銀漢當窗一道斜光明一一比恆沙我年十歲見如此
皺面觀河亦不加

七夕讀大東詩因賦此篇

牽牛不牽牲河鼓不檐鼓跂彼織女星無錦在機杼漢
光無所明津梁悵修阻何論箕與斗於用了無補夜闌
燈向明雨窗蟲振股伏枕念人事夢往問牛女

屈原九歌有大司命少司命大司命曰紛紛總總兮
九州何壽夭兮在予少司命曰夫人兮自有美
子蓀何以兮愁苦又曰荃獨宜兮爲民正意婉
而辭直因以今體爲二篇

明星飛波月流煙冷風颯颯鳴神絃燭光迎君下閭闔
君持北斗插屋椽巫覡有辭前致祝靈鼓在御鐘在懸
翳君之來去不告衆旣醉止誰我先人間配命卅六獸

鼠化蝠燕飛翩翩

右大司命

江上秋風淒露庭鼓子花發蘭枝馨土樽酌醴聊自潔
夜深衣佩搖東丁梧桐葉萎下金井芙蕖刺老眠寒汀
出門萬里撥煙霧古有河嶽今變形止君久如倏逝去
碧山悄悄川冥冥燐蕭雖微爛予戶飛螢明滅如流星

右少司命

題蔣夢蘋

汝藻

密韻樓圖

闌楯教依志雅堂下蜂晴色雪秋光書窗自永山中日
漁笛還生水面霜晚集五編翻散失先朝六稟在收藏

扁廬我效鄉賢例置字慚非馬玩芳吾鄉馬翔仲碧梧玩芳集有題周公謹蠟屐集弁陽集後二篇弁陽集五大篇蓬萊感舊遺翔仲古句及淒涼怕問前朝事老大猶存後世書二句皆不在今草窗韻語中韻語或五大編之一耶

閏七夕歌席和瓶齋

爲恐西風暗換年流光教駐有歌絃更令漢使攜機石
合遣星郎倍聘錢庭內竹竿穿犢鼻座旁檀板節鸞咽
人間歡會無貧富試賦明河第二篇

梧露三更再報秋西闌干角月如鉤黃楊樹底應銷阨
黑丑花中故散愁最會銀燈雙帶結未須玉腕六瓊投

泛舟佳約輸詞客收拾風情到秀州是日別有泛舟南湖之約以是會辭

赴不

高麗伎歌

伎爲高麗國主故宮人作春鶯舞催花舞僧舞山香
舞舞鼓劍舞佳人剪牡丹舞春眠曲相思別曲黃雞
詞襄陽歌漁父詞竹枝詞將進酒歌案隋七部樂高
麗伎第三唐九部樂高麗伎第四蓋韞師所掌宋賜
以大晟樂其國遂習中國之音鄉樂聲下乃其本風
今所奏類是中土樂府雅詞

月下滄波燈照屋簷暖笙清翻一曲愀然古耳感夷歌
惟覺新聲變樵牧始林雞鳴風飄雨當初借作蓬萊股

撥麴入關盛鏡吹外門仗列先檐鼓可憐鮑石被兵圍
宣和法物亦不歸抱器魯伶俱散盡深宮寧得住薔薇
重羅香裙雜仙佩妙舞依然射雕隊是日作佳人剪牡丹舞宋射雕盤女
弟子隊一啼妝墮馬故人新誰取山香爲插戴土風莫操
芝栖歌清商入破無奈何安得一竿裁作笛重與新羅
息萬波

高子益挽詞

使車回絕域瞭掌見虧成自是謀之熟終然害取輕獨
醒妨衆醉吾黨重孤行衰淚緣纓急端爲正士傾

南下侵風雪車茵臥亦疲自言官牘倦見把藥鑪隨畏

友平生少溫顏沒後思將書慰君弟百覓塞哀詞

海藏樓看菊和寐叟

長廊對花豪乘秋氣彌盛萬枝照鬚頰衆色葩且正主
人富兵略部勒明號令治花如治軍壯夫齊奮迅蓬勃
天地間縟錦由素絢名品雖不同秉賦固一性中園厲
風霜凡質早疲病丹楓醉如泥彫傷一夕竟芙蓉甘晚
晚顏色僅朝榮同時尚如此春華寧並論寐叟夢餐英
妙語作菊問首出讚歎詩要是南山詠歡然會賓主共
履君子行遺世從伯夷此花亦清聖

贈陳惠卿

鴻恩

太學生寶鏐父子初見寶鏐於許

德珩齋中

我初見東澈文藝已卓犖殆於牛毛中獲此兩麟角稍
驚抒讜論面摘奸誤國一時連按問生氣滿太學子弟
非常人父老行必卓果聞陳生父德如曠代璞少甘織
筥貧老薄斗筲役束身善一鄉不壞有至樂

張次珊通政挽詞

夫人林氏後十日歿

陳公賦盧橘書在歲寒堂拔薤事無及絕春情可傷客
隨笳吹散世與雅歌忘張鄭連城寶相看葬北邙

余昔與通

政及鄭叔問舍人同在長沙陳伯平中丞幕中侍郎朱
滙尹賦枇杷詞中丞與幕客共和之未幾中丞以劾蔡
乃煌為樞府所抑由是朝廷紀綱大壞中丞疾
薨前年鄭殂今通政又歿當時幕客惟余存矣

老死兵戈地曾無一畝園山樓愁擁鶴江岸苦啼猿朔
吹迎雙檣層冰覆九原誰爲收諫草含飯祇孤孫

次韻和真長同步湖上乘月歸一篇

月出城中日落湖水光不夜青山晡與君散策數百步
煙嵐抱水成三隅寒林多風野炊白歸艇近岸波烏舒
冬來清景少人賞靜趣更勝春嬉娛薄冰晚結浪紋皺
蒼昊入底星如珠人生得此慰寥寞底事樂向湯火趨
君今銖寸計田舍寄此湖社比櫟株朋僚會飲不一赴
出門徒步安車無攜姬挈子觀刑于道遇立談每須與
我家東湖躍馬地棄輦握手鄉音呼爾時年少各自負

氣若江勢胸吞吳君家西湖再會合照水白面今白鬚
同真長栗長南生自臥龍橋捨輿泛舟

青巒久抱歲寒姿近臘還生烟景奇鳬影上浮雁影沒
桑枝低突松枝蕤試將葉艇橫波出猶遣籃輿繞岸隨
終覺有山湖始美面城空濶總無宜

題歸元休墨竹卷子

太常墨竹有薪傳意匠經營下筆先無畫深於有畫處
畫中蒼莽是風煙

昔見震川精舍竹數竿垂在石池頭先生貌此堅多節
有子能歌萬古愁

立春先一日已鳴雷旣而雪作

閏年臘月春先至雪裏轟然霹靂車竟日蓋頭濃水墨
須臾妝面損鉛華寒封厚地青青草色遜晴江白白沙
晝寢已聞調鳥舌隔湖休道著林花

杭俗教兒識字謂之破蒙真長挽予爲師戲之以
詩

四十生兒君較憐要令識字守青氈破蒙特辦先生饌
同歲還深後輩緣絡秀舉觴期有日淵明責子愧無賢
此詩聊付雙荷葉教憶當初蠟鳳年

元日試筆

以下庚申

尼父書元跡已陳紛紛世逐轉九新寢虛盡夢華胥國
誰是知生寡欲民

靈峯寺看梅同游者傅沅叔胡晴初左南生諸真
長

照眼花光認寺門好花更繚短泥垣座間要煮泉甘冽
頭上祇聞蜂鬧喧折揀南枝簪破帽罰依金谷欠清尊
山僧應怪多風漢語類參禪直到昏

沅叔晴初汲侯同游韜光寺用韜光禪師韻

穿空壑谷送奔泉隱隱春雷樹底眠竹斷自飛花外覓
池成曾種火中蓮直緣倚木能爲屋便悟逢巢復遇天

我固相忘魚亦定法安堂畔石闌前

毅甫君年來游西湖三宿而去明日大雪湖山皓
然景象至美惜二子不少待也

東風漫欲滿城皋水面紛然墮鶴毛半夜山峯施粉白
一時林樹著花牢客乘小艇盡興返我欠幅巾邀子遨
地暖春深銷易盡湖波濫濫漸盈篙

遇翟孚侯

衡璣

於湖上因共醉酒樓孚侯明於數

昔同官江寧今隱於此

平生萬變燭先機湖上相逢世更非讜論似翁彌老辣
事功到我總幾希橋亭硯側行藏卜水閣花前醉飽歸

莫謂退之文衛道命宮磨蝸百相違

水星閣觀梅

宋張功父玉照堂故址也閣東有廣壽慧雲寺碑史
直翁爲記樓攻媿書公之孫櫟跋後碑陰刊公捨宅
願文

玉照堂前幾樹梅一株老醜獨遲開林間瓊雪紛消散
枝上紅霞細剪裁臥地幢經殘蝕土負牆碑記半生苔
游人解道張家寺只逐深春蛺蝶來

皋亭山神祠舊祀晉陳頊今爲倪女廟鄉人春禱
佑兒遠近婦孺不絕於路爲歌紀之

李花縞桃花緋菜花黃黃如夕暉柳棉已胎鶯未肥麥
雀札札田間飛皋亭山水邊路東風駘蕩吹人衣山
花插在村婦髻魚貫入廟明雙扉廟前長松百餘樹雜
以兩樟醜可怖上有慈烏烏反哺反哺兒春啞啞母山
下儂爲家

爲包蝶仙題蝶因圖蝶仙戴文節公之外曾孫也
圖爲鄭叔問所繪

前身曾集戴家牖待翁朝回竚且久丹青貌形極神妙
此圖今落誰人手翁家女孫報添丁入夢春駒大如斗
太常廳事忽灰燼往日仙居曾憶否此幅紙色亦已陳

涉筆者誰吾老友比之戴畫定何如證因却在秋花藪

蘇文忠祠白梅

孔雀鋪尾鶴頸曲蒼苔爲鱗鱗滿身綠東風入枝意何猛
一樹垂垂粲如玉越姬傾腰回舞袖白練仙衣羅帶束
不施柱杖恐壓翻使在庭間殊局促徘徊堂下未忍去
直到黃昏清賞足植花定是建祠人四百餘年如轉燭

雨晴

破曉春鶯囀不休射窗江日已東浮庭中一夜花將盡
湖上何時雨却收

偕俞堦青許汲侯至陶莊品茶俞堦青作獅峯新

茶歌因和之

湖上諸山皆植薈惟以龍井標品名獅峯最佳祇數樹
採掇更要先清明新芽點湯入蠶盃一葉纔舒一葉卷
世間美色須細看翠眉欲鬪娥妝淺餘山所產俱第二
但是頭綱亦堪貴陶莊一撮換餅金曾貯玉盤頒近侍
先朝輦路蒼苔溼雨露長養誰能及樹旁血滴山杜鵑
日暮鷓鴣啼更急連山大竹上雲居淪茗僧堂止久如
試與獅峯衡二水天人地籟各吹噓

奉太夫人游九谿十八澗

午氣蓄草木谿澗夏水清巍然夾蒼山意態自老成綠

樹挂丹葉艷若霜
楓頰巖石交藤蘿
間錯雜花明松際
過水鳥竹間轉雛
鶯薜園傍茅舍短
藥編榛荆婦女方
摘採笑歌歲計盈
輕軒奉母遊愉樂
逾公卿何當買山
居仰事給以耕

曉枕偶成

夏木陰陰夾宿廳
還如作屋在林垞
東窗微白棲禽動
百轉都宜枕上聽

投康長素

六合極茫昧
春秋日經天
降逮百世下
口義彌炳然
新莽王荆公
惟能用周官
孳孳以圖治
所見殆不完
仲舒

誠大儒手寫繁露篇非同墓中珠金椎控臚傳孔色若
死灰跼心如涌泉否極將自驗入杞徒憂煎康君暫遠
跡白髮映朱顏還借船官居縹筆吟湖山

題李薇莊雙簃詩後

齊紈經十春皎潔猶如新恩怨已掃跡入地各陳人胥
墓莽豐草地與西陸隣殺竹正稱冤患難庖廚親衆處
不能忍君意了不瞋世變若轉燭萬果生於因若輩天
奪魄曾何濟其身得名固徼倖論跡非純臣況彼一蹠
屨就死慙天民君詩在雙簃泊然葆厥真我爲記已往
慨嘆日西淪

題許琴伯母遺畫

晝荻教兒書丹青乃其餘生香永不滅有淚出方諸亦
若寸草心長得春風嘘我家有數紙久恐飽蠹魚持還
君家收寶愛當過予

古風 六首

軒轅滅榆罔干戈始縱橫身爲少典後殺戮及弟兄過
淫不安枕營衛勞師兵焦思三十年皇惑傷五情忽夢
華胥國寢虛若處床稱民六十四世世如春皇旣悟悔
其初恭己垂衣裳

洪荒一片土萬物相渾淪神農始耕稼孰患地不均生

民既總總紛紛然遂相爭井田豈得已王道惟其分李克
盡地力當時猶苦貧衆起廢阡陌何咎變法秦桃源果
世外桑麻尚可親漁父能再到寧容避秦身

結繩既不治何以防民嬪取夫用書契察察誠可羞同
時位史官沮誦固其儔但道頡造字鬼哭聲啾啾秦文
誰所興李斯趙高流變隸趨約易飾僞彌無休

巫覡誠古教罷家坐民鬼有苗竄三危終古俗未改嘗
聞巫祝辭山中歌只只屈宋寫其聲當時草木死於何
變國俗王者制以禮禹階舞干羽韶樂歎盡美

鄧析淆是非利口誠可怕顛倒大小獄惟務博衣袴當

時鄭國亂誰謂析宜赦學訟繁有徒擇食饑未暇道逢
圃澤賢一日失憑藉舞若實自舞輶舌從此罷

三騶重於齊衍術最可驚談人所未覩其語大且閎神
州八十一州外有環瀛人禽古莫通衍乃知其情王公
顧而化倒屣爭相迎其要歸仁義道高終不行

答曾重伯

十年以來兵爲戲屢見錙壇立徒驥魯連細黠有時窮
樗里滑稽奚足智國於蝸角知必爭身作牛從寧得避
邇來颺殺誚梁侯誰敢苗馮當漢吏曾侯自是薛能才
遠跡還來顧雍地曾擬登牀捋虎鬚羨此保棲有烏喙

又言楚人得楚弓何嘗趙壁拔趙幟驚眼跳踉雖暫休
棄甲于思仍可畏炎天厭聽鉦鼓鳴好山聊辦筇屐試
夢攀南嶽迴雁峯醒臥西湖靈鷲寺亦云猗玗姑樂目
詎比武陵堪作記隨流偶聚萍梗青逐處鐫名竹筠翠
能歌路難山松儔

謂袁
巽初

解服丹砂弘景裔

謂陶
叔惠

楚材晉

用同是客燕說郢書都不嗜我慙學省朱墨紛猶等冶
傭形貌瘁所耽豈是北府酒相遮共就黃壚醉罵蹇罵
眇馬語工不兩不出漁人利且復低頭食蛤蜊莫嫌果
腹惟鮭菜瓦壺入手談次空斜幅纏髀俄頃至伍胥屈
平在吾右慙狐陽人惴周旣

湖上感逝

泗州楊杏城

楊君築高臺未成先埋骨人世已三暑金風又飄忽朗
懷不可見淵渟入明月夜涼憶同登空水鑑豪髮含霜
草淒淒石磴久蕪沒葛洪果無功仙藥休採掘

山陰俞恪士

俞君隴上回便把南湖買歿後付橐駝居此纔三載柳
枝春婀娜荷花夏蓓蕾誰云望秋零風露湛然在落日
下天西餘霞泛濤海斯人不復有遺文見精彩

偕穀甫過拔可園中看月

青天一輪月出沒飛雲間有如揩塵鏡精光忽回還是
時李子園微風生樹端露坐誠快意何惜過夜闌坦懷
樂知交談笑宜盡歡徒爾多諱避未免傷鐫刃對此姣
好月况少姝麗顏嫦娥膚似玉白兔毛無癍二者世罕
有可見不可攀明鏡但照影中豈果廣寒竊料嫦娥免
本自生人寰我語雖懷疑其理或信然仰天歎皓質自
古居幽單歸來若有夢悄悄聞佩環看我庭中月依然
冷姍姍

疊韻再答重伯

傀儡本是王家戲閣老紛紛詡船驥壘糠不成三尺築

掛秤真無一兩智韓昭折轡量綫短師曠撞琴披衽避
帥皆拔釘錢按口賊且探丸賊斫吏吾曹寧有安樂鄉
若輩尚營優笑地爭鋒不勝呼獺兒饜慾無窮羣豕喙
餅餽相豪或比柱酒酸日賣猶懸幟漢南半人那復遭
黎邱奇鬼真可畏受笞雖辱肯便休視舌猶存終一試
逋逃幾輩有主家按問何曾拘法寺考辭未著城日書
野史聊爲甘露記子親患難如鷄鴨須慮文章傷孔翠
我因淮記歎湘纍喜逢遠跡來江裔伊優抗讎俱未能
土炭酸鹹復同嗜詩歌畢竟不枝梧鬢髮無由免蔓痺
館娃宮中休弔古征虜渚頭惟盡醉各傾算袋鬪才華

勝提綾刺奔名利閒時作會號義尊佛日畢齋當解菜
葉落莫動長年悲漢廣要觀秋水至川原北眺固邱墟
藪澤南游先肆旣

與瓶齋天放八月十六夜游湖因留宿解中次韻

奉答

漫云居易是州官白髮蕭然慣不冠有癖夜如僧舍靜
無舟常得月湖看高窗沈約頻愁臥一榻周璆幸少安
却念煎茶竹間婢辭歸難忘洞天歡

虎跑泉用東坡韻

泉上木樨紛散香不知誰與作陰涼掃除竈下安牀穩

引去寺門隨路長始信萬流歸坎止何曾一物塞空方
渴來聊就蹄涔酌勝似顛僧得酒嘗

贈張退庵

與君相見在水次身率士民發倉積七十縣宰第一良
衆口交稱古循吏我初監稅來君里君早辭官親耒耜
登堂拜君君莞然正是當年窮舉子經年再會歲寒堂
謀議施行有短長我時抗辯免括戶君避我語不謂狂
邇後迍邴驚換世我走京華依介弟自緣相遇異衆人
辟我聊爲掌書記二張聲譽重天下白首功名在田野
天荆地棘久視中君州獨是承平社

題樊宗師絳守居園池記綿州越王樓詩序後

宗師後人隨宋南渡家臨安郡人士且以其友樂天

因附祀白祠

文如霧散不可收僅得二篇供句投削除語助存始義
動字靜用剛者柔奇偶錯綜極軌範變化盡量非人謀
文從字順世莫識雖履坦道駭怪幽絳記園池綿記樓
落日不落浮雲浮綿馳涪瀨絳引古黃原缺天淚雨流
子孫南渡遂居浙抱公遺文事研求歲時迎祖向河洛
中原文獻今在不郡人謂公樂天友虔奉栗主同薦羞
吾思四賢今可五盍更復舊增鄴侯

滿覺壠丹桂

沿巖通谷散芬芳，早花背在越女囊。
兩株後開如火赤，可坐其下橫玉牀。
莫嫌遲來少佳意，此花宜作金丹餌。
秋風吹入夾羅衣，毛孔萬千皆是鼻。

庚申重九登南高峯下至煙霞洞

平昔樂登覽，九日敢云休。
爰擇最高峯，曠望回窮秋。
越谷陟石脊，數轉失深幽。
杳追冥飛鴻，振翮南山頭。
暄陽浴冷風，晴色乾酸眸。
下顧江湖間，眇小隔汀洲。
杭城十萬戶，蚓蛭依阜邱。
尋常屐能到，謂挾盧敖游。
作息專戶庭，何嘗壤蟲羞。
膏血塗原野，殺戮懷戈矛。
九載鼎沸聲。

曾不及釜餽此邦安日夕未必緣人謀相觸有不怒願
汝如虛舟我因析豪芒目盡東北陬復視西南峯倏若
矮垣周徘徊近天日超騰苦無由崎徑出頸項小憩落
僧樓

爲徐印士

元綴

題剡溪別權圖

剡水如官清剡山多別情別柳攔棹頭去日聞春鶯手
栽一縣花花開人愛惜倏忽二十春使君頭已白誰勝
剡溪水相見如故人當時盡不去買宅戴逵鄰人言越
中山剡溪更清美舟行桑稻間鹿胎青到几夢遊山陰
去春煙澹川湄山中最先潭聞道是子規子規聲何哀

世變日益殆不改惟剡溪見君圖畫在

贈六抱虛

方希古先生之後裔匿居江陰易姓爲六史稱希古嗣絕其不然耶

六君堂堂希古後隱姓暨州貧學究壯年傳食走燕齊
白首歸來一衿舊平生劬學謂醫國藥石僅供療婦幼
瞻君容貌當類祖正爾真氣彌宇宙布帆憶指吾贛江
曾飲一瓢於我厚相憐客楚似荀卿始面傾懷逾夙覲
作詩要比霜紅龕老景入林張錦繡二疏名德哲無慚
寧效越方施禁呪

和答陶在東同年鏞

少年翻手卽成翁二十七載類轉蓬華嚴會上一大衆

覲面不識真匆匆我聞陶君自堯老得詩向壁歎不早
風萍聚散雖偶然同歲日稀彌可寶鎖廳有似量馬谷
國馬縱多須善牧人才輩出棄則無萬事更張寧免覆
與君抵掌談鄉解癩馬揩楊聊一快座旁孰悟是名言
新進紛紛從狡獪

泛舟西溪觀蘆花

微雨響枯桑沈陰暗隄陌放櫂蘆花中忽覺溪光白蘆
枝高於人無岸通秋屐密雪鋪層層清輝爛巾幘波路
曲且歧幽探境愈僻誤入還倒撐並泛常踟躕有時聞
拏音却與迴塘隔此花滿江湖聊安鴻雁客穹天自空

闌溪憾野航窄往來識浦淑流水無行跡

游楓樹嶺

人奇靈隱庸天竺此徑從來少游躅勝處誰尋兩寺間
一嶺森然秀楓竹方春蠟屐探深幽竹籜初解楓吐綠
預知秋色甲湖山準備霜時重往獨客有體胖窘登陟
相遮跼跼到山麓初觀竹徑數且驚心欲不前難駐足
繼觀龐楓醉天酒百倍鴟夷壺大腹對山密竹復數楓
下視佛宮金碧矗天然圖畫孰能工北苑追摹惟石谷
且行且贊力忘疲不覺盤旋下僧屋尋常遊客止寺門
衆口所稱纔屬目小舟一日繞湖回萬事淺嘗寧免俗

題熊總戎遺畫

盾墨題戰地閒來弓在櫜當時狄樞密已破儂智高却
還萬山中結廬聽松濤山川氣自壯精爽歸素毫丹青
湯參將一瞑葬腥臊市間紙千金小李名並豪彭郎亦
畫梅江上擁旌旄人重達官筆得位專風騷將軍雖善
畫世未以是褒此幅誠罕見傳家同寶刀

題卞賡言遺像

毛骨真爲沒世奇維揚一俊譽當時卅年追寫趨庭語
地下蒼顏卞望之

爲沈衡山題其先德手書門簿

車輿闐巷動比鄰錄牒還勞手自親若比濟南師友記
後來更有呂居仁

飛騰將相出康雍舉業掄才亦不庸案籍免遭連引禍
玉堂氣度自從容

晦庵通籍宋南遷又陸登科寶祐年此榜前朝全盛日

遠孫補錄足流傳

真年大將軍張文和同登康熙三十九年庚申進士榜

題余堯衢倦知樓圖

乙庵座中見畫圖云是余君倦知廬山名悉載九域志
楚澤中有屈大夫讀君圖記更神往白首放歸玉山朗
先公水鏡鑒人倫似君峯距曾無兩吾邦比君余安道

政能拔薤振枯槁夷獠斫吏祆廟焚禍劇妖言火開寶
以此罷官君泰然躬耕忽到義熙年草堂自署本穴字
素壁寫置歸來篇十載兵戈國不國何處安枝巢倦翼
吾家環屋亦羣峯夢挽心肝是山色

德清舟中作

廬桑多傍水田隈官驛晴漸臘雪纔霸越試還勾踐舊
受塵寧拒許行來及時村社觀婚嫁入夜津梁謹閉開
近縣土風誰厚薄未妨禮樂事迂迴

還友人詞卷

淮海清歌玉貌人梅溪大雅不傷新乾嘉薰習歸圓熟

誰見江南一爪鱗

還周稼莊詩卷

會稽山水國郡有采風人袖裏輶軒語花中木鐸春命
篇多眺覽得句要清新便往逢巖岫閑時應接頻

JUL 03 2001

EAST ASIAN STUDIES

蘇軾詩集卷之四

會稽山水圖詩一首吳人蘇軾詩中不載春命

蘇軾詩集卷之四

蘇軾詩集卷之四



